

立轉典契人后浦鄉北門傅榮湖。有承父創置水園壹坵，其土名、種聲、四至載在上手契內。今因別置乏費，托中就與北門林太太，黃氏之子林三舍處典出銅錢玖拾仟文，錢即日全中收訖。田即付錢主掌管耕種，不敢阻當。水園限至伍年終，備契面錢取贖原契，不得刁難，每年貼納米錢陸拾文。保此水園係榮湖鬮分應份物業，與房親叔兄弟姪無干，亦無重典他人不明為碍，如有不明等情，轉典主出頭抵當，不干錢主之事。今欲有憑，立轉典契壹帋，併繳上手契，共貳帋，付執為炤。

作中人 北門施克揚

日立轉典契人 北門傅榮湖

知見人 母傅蘇氏

代書人 李滋善

道光拾柒年叁月

